

## **Dispvtationes Theologicae**

Quatuor Tomis distinctæ: Qvibus Vniversa Theologia Scholastica Clare,  
Breviter & accuratè explicatur

De Deo, Et De Angelis

**Martinon, Jean**

**Burdegalae, 1644**

Sect. 1. An inter personas diuinas sit processio, seu exitus vnius ab alia.

---

[urn:nbn:de:hbz:466:1-73898](#)

significet, quām principium alicuius actus. Vnde cūm Patrem intelligamus ut p̄ principium generationis : & Patrem, & Filium, ut principium spirationis: necesse est tribuere Patri potentiam generandi ; & Patri, & Filio, potentiam spirandi. Et ait c. 5. eiusdem quæst. affirmat potentiam generandi significare in re naturam diuinam, & in obliquo relationem paternitatis. Num illud propriè dicitur potentia in quocunque agente, quō agens agit. Omne autem producens aliquid per suam actionem, p̄ducit sibi simile quantū ad formam quā agit. Illud ergo est potentia generandi in aliquo generante, in quo genitum assimilatur generanti. Filius autem Dei assimilatur Patri generanti in natura diuina. Vnde natura diuina in Patre est potentia generandi. Hæc D. Thomas, quæ sequentibus sectionibus exponenda sunt.

## SECTIO I.

*Virum inter personas diuinas sit processio seu exitus unius ab alia?*

**O**NCLVSTO: inter personas diuinas est processio seu manatio & origo unius ab alia: filii quidem à Patre per viam intellectus; quæ processio generatio dicitur: Spiritus vero sancti, à patre & filio, per viam voluntatis; quæ processio, spiratio appellatur.

Prima pars iatis liquet ex nominibus ipsis patris, filij, & Spiritus sancti, quibus personas diuinae in Scripturis significantur. Nomen enim patris significat principium generans: & nomen filij spiritum significat: & nomen Spiritus sancti, ut tertia persona proprium est, significat spiratum, qui quidem debet ab aliquo spirari & oriri, nempe à patre & filio velut à spiratore unico, iuxta illud Symboli Nicæni, *Qui ex Patre Filioque procedit*: & declarationem Concilij Lugdunensis quæ refertur in principio libri 6. Decretalium cap. unico de Summa Trinitate: & sic habet: *Spiritus sanctus aeternaliter ex Patre & ex filio, non tanquam ex duobus principiis, sed tanquam ex uno principio, non dubius spirationibus, sed unica spiratione procedit*. Secundò idem testantur sacrae literæ. De filio quidem Ioann. 8. vbi Christus de se loquens sic ait: *Ego ex Deo processi, & veni, seu, venio, iuxta Græcum*. Et cap. 16. *Exiū a Patre, & veni in mundum*. Et Psalm. 109. *Ex utero ante luciferum genui te*. De Spiritu sancto vero Ioan. 15. *Cum venerit Paracletus, quem ego mittam vobis à patre, Spiritum veritatis qui à patre procedit*. Idem tertio confirmat ratio Theologica. Implicat enim Deum esse tres quorum nullus ab alio procedat. Nam in diuinis omnia sunt unum realiter. Vbi non obuiat relationis oppositio. Atqui sine productione non obuiaret relationis oppositio: ergo &c. Minor probatur: quia nulla alia oppositio realis, præter relationem fundatam in

origine seu productione unius ab alio, potest in Deo excogitari, quæ non repugnat infinitate ipsius amplitudini, & summa, ut ita dicam, identificabilitati. Propter quænam etiam nulla distinctione realis ponitur inter attributa quælibet tribus personis communia, iuxta ea quæ diximus disp. 3. sect. 2. Major autem traditur à sanctis Patribus communis consensu affirmantibus non posse esse plures personas diuinas consubstantiales, & unius eiusdemque naturæ, nisi una alteri naturam suam communicet, & una ab altera procedat. Eorum testimonia quamplurimæ deri possunt relata. Didaco Ruis disp. 1. de Trinit. sect. 3. & disp. 9. sect. 5. & disp. 15. sect. 3. & disp. 22. sect. 6. vbi num. 5. optimè notat Patres omnes, etiam illos qui primo Nicæno Concilio antiquiores fuerunt, in hanc rationem consensisse: quod signum est ab ipsis Apostolis acceptam fuisse. Addo rem illæ definitam expresse in Conciliis Toletano xi. & VVoratiensi, utroque in professione fidei.

Ratio vero est quia id omnino pertinet ad infinitatem simpliciter naturæ diuinæ, incommunicabilitas enim personalis quæ non fundatur in aliqua relativa oppositione originis, præuenit ex imperfectione & limitatione. Vnde recte Suarez lib. 1. de Trinit. cap. 4. l. Am. 11. post Scotum affirmat in Deo non esse ponendam distinctionem, nisi vbi repugnat identitatem, propter oppositionem. Tum quia id esset superfluum, tum etiæ quia vbi non est oppositio, unitas pertinet ad perfectionem. Idemque num. 18. post eundem Scotum recte probat non posse dari plures personas improductas, quia multiplicaretur sine ulla ordine per se in iis enim quæ multiplicantur per accidens, abiri potest in infinitum. Denique de facto non sunt plures sine productione, ergo aliter esse non possunt. Nā quod de facto est in Deo, pertinet quæ ad interdiam eius constitutum omnem substantialē, sive quoad naturam, sive quoad personas, Ita est necessarium, ut non potuerit aliter esse, propter diuinam immutabilitatem, & essendi ac substendi necessitatem absolutissimam.

Secunda pars conclusionis; quod filius à parte procedat per viam intellectus, & Spiritus sanctus à patre & filio per viam voluntatis, est communis Catholicorum omnium, exceptis Durando & Nominalibus, de quorum errore dicemus sect. sequent. Probatur autem, quia filius sāpe in Scripturis appellatur Verbum, Græc. Λόγος, ut Ioan. In principio erat verbum, &c. Et verbum caro factum est. Et 1. Ioan. 5. Tres sunt qui testimonium dant in celo, Pater, Verbum, & Spiritus sanctus. Et Apocal. 19. Veritus erat ueste apersa sanguine, & vocabatur nomen eius verbum Dei. Notum est autem verbum, & λόγος, pertinere ad intellectum. Quare si filius est verbum & λόγος, debet alio modo produci per viam intellectus. Similiter Spiritus sanctus inter alia nomina quasi propria vocatur amor & dilectio, ut notant sancti Patres quos citant & sequuntur Scholastici cum Magistro in l. distinet. 10. & D. Thoma interpres quart. 37. art. 1. quia tota Ecclesia ubique in officiis diuinis regnet, ut Spiritum sanctum vocet amorem & charitatem. Amor autem & charitas ad voluntatem pertinent. Nec quisquam dubitat Spiritum sanctum procedere per voluntatem, puto quod filius procedat per intellectum.

Terterum filius non producitur per intellectum, neque Spiritus sanctus per voluntatem, ut per potentiam producentur in se formalem actum, quo Deus fit formaliter intelligens & amans: sed aliter. Probatur, quia Verbum, ut proprium filium significat, non est id quo Deus & Pater intelligit formaliter: quemadmodum neque est sapientia quā Deus & Pater formaliter sapiens est. Etenim Deus Pater est sapiens & perfectissimè intelligens essentia sua: & id quo pater est sapiens & perfectissimè intelligens, est de essentia eius. At verbum non est essentia ipsa Dei, neque est de eius ratione: Clioquin tota essentia non esset in patre formaliter, quod est contra Lateranense sub Innocentio III. cap. 2. Nec magis posset dici Pater esse intelligens, quam possit dici esse filius, si propria ratio filij esset actus formalis intelligenti quo intelligens constituitur formaliter in esse intelligentis. Similiter Spiritus sanctus non est essentialis ille amor quo Deus essentialiter diligit: neque voluntas illa actualis quā Deus essentialiter & formaliter est volens. Tum quia aliqui pater & filius non magis possent dici volens & amans, quā possint dici Spiritus sanctus. Tum etiam quia id, quo primò & per se Deus est volens & amans, est essentia ipsius, quā Deus est perfectissimus in omni perfectione simplici & pura. At Spiritus sanctus non est secundum suam proprietatem ipsa essentia, neque est de ratione illius; cùm essentia totaliter sumpta & integrata de intrinseco conceptu cuique personæ, non autem Spiritus san-

ctus. Ergo Spiritus sanctus propriè & singulariter non est ille amor, quo primò & per se pater & filius diligunt. Secundò, pater & filius sunt principium per fecunditatem actus essentialis volendi, ut infra confirmabitur. Qui actus est ratione prior, quam vel ipsa fecunditas quā spiratur Spiritus sanctus. Ergo Spiritus sanctus non est amor ille, quo Pater & filius amant formaliter: aliò qui Spiritus sanctus esset prior suo principio, & ipsam fecunditatem quā producitur. Idemque dico de actu intellectus, respectu fecunditatis ad generandum filium.

Quamvis igitur pater aliquo sensu dici possit intelligere Verbo: & pater & filius, diligere Spiritus sancto: non tamen formaliter: sed vel appropriatiè, quia intelligentia tribuitur filio speciatim, ratione originis; & dilectio Spiritui sapientie: vel etiam identicè, id est, per aliquid quod ratione productionis primò & per se est idem realiter cum filio & Spiritu sancto, illisque primò ac per se communicatur. Videatur D. Thoma, quart. 37. art. 2. in corp., ubi citat ex August. lib. 15. de Trinit. cap. 7. Quis audet dicere patrem nec scipsum nec filium, nec Spiritum sanctum intelligere nisi per filium; vel diligere, nisi per Spiritum sanctum? Idemque August. lib. 1. retractat. cap. 26. non longe à principio, retractat, id quod alibi dixerat. lib. 83. quart. qu. 23. Patrem intelligere sapientiam genitam, formaliter scilicet, non autem in sensu anteà explicato, appropriatio vel identico.

Ex his collige primò, in Deo esse duplex verbum, & duplum amorem. Alterum essentiali seu formale, communem tribus personis, quibus singulis tota essentia perfectè inest atque integrè: Nam ut definit Lateran. cap. 2. de Summa Trinit. Pater totam essentiam communicat filio, & non partem: habentque ambo unam & eandem substantiam, essentiam, sive naturam. Alterum notionale, qui est filius & Spiritus sanctus, producti per fecunditatem actuum essentialium intelligenti & volendi, quibus idcirco primò & per se identificantur sive productionis, ut paulò post amplius declarabitur.

Collige secundò, aliquid esse contenientia, & aliquid discriminis, inter verbum & amorem nostrum, & inter verbum & amorem diuinum: seu essentiali & formali, seu notionale & personale. Verbum enim nostrum, & amor, duo habent. Unum quod formaliter, constituunt intelligentem & amantem: alterum quod producantur realiter. In priori conueniant cum verbo & amore essentiali seu formaliter diuino: In posteriori vero, cùm notionali. Contra vero, per primum differunt à verbo & amore notionaliibus: per secundum, ab essentialibus. Etenim verbum & amor essentialia, quae sunt actus ipsi formalibus quibus Deus formalis-

ter intelligit & amat, existunt circa realem productionem: sicut cætera omnia essentialia & communia. Verbum autem & amor notionalia, quæ sunt secunda & tertia persona diuina, producuntur quidem realiter per fecunditatem intelligentiæ & amandi; non tamen ut formales actus quibus Deus intelligat & amet formaliter: sed ut persona & substantia compleæ ac subsistentes, per viam intellectus & voluntatis productæ, tanquam termini fecunditatis actus essentialis triusque facultatis.

Collige tertio, productionem Verbi, & productionem Spiritus sancti, non esse propter indigeniam intelligentiæ & volendi, quasi Deus his egeat ut constituantur formaliter intelligentia & amans: & quasi Deus per operationem, sed ex mirabilis fecunditate, tantum intelligentiæ & volendi producat realiter duos actus, quibus constituantur formaliter in esse intelligentiæ & amantiæ, illique actus substanciales, & subsistentes, sunt Verbum seu filius, & Spiritus sanctus. Nam ut supra dixi, id quo Deus intelligit & amat formaliter, est essentia seu natura communis, nulla ad hoc indigens reali productione vel accessione: sed per seipsum sufficientissima ad omnia intelligibilia & volabilia, æquæ ac ad omnia extra se possibilia. Et alioquin pater non magis esset ac dicti posset intelligens, aut amans formaliter, quam posse dici filius aut Spiritus sanctus. Si enim filius esset actus intelligentiæ, & Spiritus sanctus esset actus amandi: deberent formales, illorum rationes inesse patri, ut per eas constitueretur formaliter, in esse intelligentiæ & amantiæ. Denique hic error vulgaris correctus fuit a D. Augustino in semetipso, verbis suprà relatis ex libro 15. de Trinit. cap. 27. & lib. 1. retrahat. cap. 26. Non est, inquam, productio Verbi, & Spiritus sancti, propter indigeniam intelligentiæ & volendi, sed propter mirabilem fecunditatem, multò perfectiorem, quam sit fecunditas omnipotentiae productiæ ad extra. Licet enim omnipotentia sit essentialis Deo, & nulli alteri perfectioni æquæ bona repugnans in eodem supposito: tamen obiectum ad quod est, est infinitè minus quam termini illarum fecunditatum, consonantes eis proprietatis quæ sunt penitus idem cum Deo, & absoluta necessitate ipsi identificantur, constituantque Deum in esse personali triplici, sine quo non potest existere, & quo ultimò compleetur intrinsecè & substancialiter. Neque refert quid omnipotentia sit perfectio simplex, non autem vis generandi, aut spirandi. Quiando omnis perfectio simplex nobilior est quamvis non simplici. Vt hoc exemplo clare liquet, quid v. g. cognitione lapidis ut possibilis, est perfectio simplex: neque enim repugnat nobiliori, aut æquali, in eodem supposito: & tamen longè inferior est vi ge-

nerandi filium Deum, aut spirandi Spiritum sanctum.

Tertia pars conclusionis, quid processio filij sit generatio, processio vero Spiritus sancti sit spiratio, sequitur ex praecedentibus. Nam de ratione filij propriæ dicitur est ut sit genitus, & ut sit eiusdem naturæ cum genitore. Quare filius diuinus, verè ac propriè sic dicitur, debet esse genitus, & eiusdem naturæ cum patre, id est, verus Deus, qui non est nisi unus. Et quamvis nomen filij generatum non significet, neque exigit ut filius sit eiusdem numero naturæ cum patre: aliunde tamen in diuinis id necessarium est: qua natura diuinum non potest numerice multiplicari. Neque id repugnat nomini a rationi filij & generationis: sed potius ad maiorem perfectionem facit, maioremque similitudinem & coniunctionem generantis cum genito, ut rectè docet S. Thom. 4. contra Gentes cap. 4.

Similiter intelligentium est Spiritum sanctum procedere à patre & filio per spirationem, ut definitum fuit in concilio Lugdunensi, cuius verba retulimus initio huius sectionis. Ideoque dicitur Spiritus specialiter, quasi spiratus: non autem ea significatio latiori, quam spiritu appellatur quamcumque substantia immaterialis & incorporeæ, ut Deus, & angeli, & animæ rationales. Quamvis autem spiratio non significet quid procedens per illam sit eiusdem speciei seu naturæ cum eo à quo procedit, sicut significat generatio: nihilominus Spiritus sanctus, etiam secundum suam proprietatem, & vi sua processionis, est verus Deus. Quoniam eius proprietas per se ac necessario est eadem res cum natura veri Dei, neque potest aliter se habere: atque ita procedit per fecunditatem actus essentialis diuinæ voluntatis, ut vi sua processionis non minus accipiat naturam diuinam primò secundum rationem voluntatis, & consequenter secundum omnes alias: quam filius produtus per viam intellectus primò naturam accipiat secundum rationem intelligentiæ, & consequenter secundum omnes alias. Plura de convenientia & differencia inter vitramque processionem, & viam processionis Spiritus sancti non sit generatio, sicut processio filii dicimus inferius, præcipue loquitur.

## SECTO II.

Refutatur error Durandi, & Nominalium; contra doctrinam praecedentem.

Contra id quod diximus filium procedere per intellectum, & Spiritum sanctum per voluntatem, sentit Durand. in 1. dist. 6. qu. 2. num. 6. & sequentibus, ubi docet filium non produci per actum intellectus, nec Spiritum sanctum per actum voluntatis, sed tentiam.

R. 2. 2